

p. 32 line 3+5【分證常寂光土】智旭《占察善惡業報經玄義》卷1：「別教菩薩。…登初地時。分證中道法身。恒居實報無障礙土。亦名分證常寂光土。乃至等覺。皆以中道果報為樂。無明變易未盡為苦。分形散影。徧諸世界六趣四生。及徧方便有餘土中。示同六凡二聖種種苦樂。皆非實苦樂也。」  
 「圓教菩薩。…登初住時。分證如來一身無量身。恒居實報莊嚴淨土。亦名分證寂光淨土。乃至等覺。分形散影。徧下三土。示同九界苦樂。皆非實苦樂也。」  
 「圓教妙覺。性德究竟圓顯。名為清淨法身。所依法性。名為上上品常寂光淨土。修德究竟滿足。名為圓滿報身。所依報境。名為上上品實報莊嚴淨土。性修不二。依正不二。不二而二。說有法報依正差別之名。此是最勝無上報也。」(X21, p. 413, c23-p. 414, a23)

p. 32 line 8【生相無明】由無明力，不覺心起，轉自性清淨心而有其念，故名生相，亦名業相。《大乘起信論義記》卷2：「謂由無明不覺心動。雖有起滅。而相見未分。以無明力故。轉彼淨心至此最微。名為生相。甚深微細。唯佛所知。」(T44, p. 257, b8-11)

四相	生	住	異	滅
三細六粗	業相	轉相、現相、智相、相續相	執取相、計名字相	起業相
五意	業識	轉識、現識、智識、相續識	意識	

p. 33 line 1【三不退】《阿彌陀經》：「極樂國土眾生者。皆是阿鞞跋致。」

	藏	通	別	圓	念佛功夫
位不退	初果	見地(第4地)	初住	初信	斷見惑。功夫成片。凡往生者，不再墮凡地。
行不退	×	菩薩地(第9地)	十向	十信	斷塵沙惑。事一心不亂。唯一佛乘，不墮小乘。
念不退	×	×	初地	初住	斷無明惑。理一心不亂。圓修圓證，必破無明、顯佛性

p. 33 line -5【不退五因緣】傳燈《圓中鈔》卷2：「若約教明不退轉位有三。謂位行念也。今云不退轉者。無論入此三位。即博地凡夫。生彼國者。雖未斷惑。亦不退轉。如十疑論云。彼國五因緣。故不退。」(X22, p. 584, a9-12)  
 《淨土十疑論》卷1：「問：「設令具縛凡夫得生彼國，邪見、三毒等常起。云何得生彼國，即得不退，超過三界？」釋曰：「得生彼國，有五因緣不退。」

云何為五？一者、阿彌陀佛大悲願力攝持故，得不退；二者、佛光常照故，菩提心常增進不退；三者、水鳥、樹林，風聲、樂響，皆說苦、空，聞者常起念佛、念法、念僧之心，故不退；四者、彼國純諸菩薩以為良友，無惡緣境，外無神鬼、魔邪，內無三毒等，煩惱畢竟不起，故不退；五者、生彼國即壽命永劫，共菩薩、佛齊等，故不退也。在此惡世，日月短促；經阿僧祇劫，復不起煩惱，長時修道，云何不得無生忍也？此理顯然，不須疑也。」」(T47, p. 79, b4-16)

**p. 34 line 6【大毘盧遮那經】**《大毘盧遮那成佛神變加持經》卷1〈1 入真言門住心品〉：「佛言：菩提心為因。悲為根本。方便為究竟。」(T18, p. 1, b29-c1)  
《大毘盧遮那成佛經疏》卷1〈1 入真言門住心品〉：「今行者觀心實相。亦復如是。出過一切戲論。如淨虛空。於內證所行。得深信力。薩婆若心堅固不動。離業受生。成就真性生。萬行功德從此增長。故曰菩提心為因也。此菩提心。為後二句因。」(T39, p. 586, c23-27)

**p. 34 line -4【諸佛出世有三種益】**出自《安樂集》卷1：「若依《觀佛三昧經》云：「佛告父王：諸佛出世有三種益…」(T47, p. 5, a28-29)但原文是《佛說觀佛三昧海經》卷1〈2 序觀地品〉：「云何名為觀諸佛境界。諸佛如來出現於世。有二種法以自莊嚴。何等為二？一者先說十二部經。令諸眾生讀誦通利。如是種種名為法施。二者以妙色身。示閻浮提及十方界。令諸眾生見佛色身具足莊嚴。三十二相八十種隨形好。無缺減相。心生歡喜。觀如是相因何而得。皆由前世百千苦行。修諸波羅蜜及助道法而生此相。」(T15, p. 647, b16-23)卷9〈8 本行品〉：「為諸凡夫及四部弟子。謗方等經作五逆罪。犯四重禁偷僧祇物。姪比丘尼破八戒齋。作諸惡事種種邪見。如是等人。若能至心一日一夜繫念在前。觀佛如來一相好者。諸惡罪障皆悉滅盡。」(T15, p. 687, b14-18)

**p. 35 line 4【改變一切諸惡】**《佛說觀佛三昧海經》卷1〈六譬品 1〉：「未來世中，諸善男子善女人等及與一切，若能至心繫念在內，端坐正受，觀佛色身，當知是人心如佛心，與佛無異。雖在煩惱，不為諸惡之所覆蔽，於未來世雨大法雨。……牛頭栴檀雖生此林，未成就故不能發香。仲秋月滿，卒從地出，成栴檀樹，眾人皆聞牛頭栴檀上妙之香，永無伊蘭臭惡之氣。佛告父王：念佛之心亦復如是！以是心故能得三種菩提之根。」(T15, p. 646, a16-b1)

**p. 35 line 8【四種念佛】**據宗密之《華嚴經行願品別行疏鈔》卷四舉出四

種念佛之法。《華嚴經行願品疏鈔》卷 4：念佛不同，總有四種：一稱名念，二觀像念，三觀想念，四實相念。稱名念：一行三昧。觀像念：觀如來塑畫等像，如《大寶積經》說。觀想念：觀一相，如《觀佛三昧海經》說；觀全身，如《坐禪三昧經》云。實相念：觀自身及一切法真實自性。(X05, p. 280, c8-p. 281, a8)

p. 36 line 7【不能緣於般若】《小品般若波羅蜜經》卷 4〈歎淨品 9〉：「佛言：若善男子、善女人，取相念諸佛，隨所取相，皆名為著。過去、未來、現在諸佛所有無漏法，皆隨喜。隨喜已，迴向阿耨多羅三藐三菩提，即亦是著。何以故？須菩提！諸法性，非過去、非未來、非現在，不可取相，不可緣、不可見、不可聞、不可覺、不可知、不可迴向。」(T08, p. 552, a11-17)《妙法蓮華經玄義釋籤》卷 32：「般若波羅蜜。譬如大火燄。四邊不可取。邪見火燒故。若不觸火。溫身熟食。若觸火者。火則燒身。」(L116, p. 681, a2-4)《大智度論》卷 18〈序品 1〉：「般若波羅蜜，譬如大火焰，四邊不可取，無取亦不取。一切取已捨，是名不可取。」(T25, p. 190, c23-26)

p. 36 line -2【疏鈔】《阿彌陀經疏鈔》卷 3：「問：豈得稱名便成實相？答：實相云者。非必滅除諸相。蓋即相而無相也。經云。治世語言皆與實相不相違背。云何萬德洪名不及治世一語？一稱南無佛。皆已成佛道。何況今名理一心也！又觀經第九。觀佛相好。疏直謂觀佛法身。相好既即法身。名號何非實相！」(X22, p. 662, a16-21)

p. 37 line 1【圓中鈔】傳燈《阿彌陀經略解圓中鈔》卷 2：「【疏】又復當知。彌陀已證究竟第一義諦。一稱嘉號。萬德齊彰。罪銷塵劫。福等虛空。何況一日至七日耶。良由法藏本願。設我得佛。十方眾生。至心信樂欲生我國。乃至十念。若不生者。不取正覺。既承彼佛因中願力。果上光明。執持名號功德無量。臨終見佛。決定無疑。【鈔】前釋事中一念。乃約憶念彼佛相好光明而說。似濫觀經觀佛為念。用心雖同。揀境則異。今則的指執持名號。而為所緣之境。故曰一稱嘉號。萬德齊彰。文中乃釋或者之伏疑。疑者云。佛有萬德。應觀三身。云何但稱名號。即得往生。故殷勤示之曰。又復應知等云云。文約兩義以釋其疑：一者名實相稱。二者法藏本願。一名實相稱者。四明云。圓極之果。所有名字。一一不虛究竟成就。蓋其所召皆真極故。故大經云。世諦但有名無實義。第一義諦有名有實義。佛是究竟第一義諦故。又今彌陀既已證乎究竟第一義諦。故一稱嘉號。萬德齊彰。彌陀萬德

慧日。既以俱體齊彰。眾生黑暗罪瑕。自然當念消乎塵劫。罪性本空。虛而不實者既銷。則稱名功德。福等虛空者自生。一稱佛名。功德尚然。況一日至七日。一心不亂。執持名號。則無罪而不滅。無福而不生。臨命終時。往生淨土。斷斷乎不唐捐矣。」(X22, p. 587, c16-p. 588, a14)

p. 39 line -2【諸師】善導《觀無量壽佛經疏》卷1：「諸師解者。先舉上輩三人。「言上上者，是四地至七地已來菩薩。何故得知？由到彼即得無生忍故。上中者，是初地至四地已來菩薩。何故得知？由到彼經一小劫得無生忍故。上下者，是種性以上至初地已來菩薩。何故得知？由到彼經三小劫始入初地故。此三品人皆是大乘聖人生位。」次舉中輩三人者。諸師云：「中上是三果人。何以得知？由到彼即得羅漢故。中中者是內凡。何以得知？由到彼得須陀洹故。」(T37, p. 247, c22-p. 248, a2)【諸師】：淨影慧遠、天台智者等

上輩	大乘 種性已上	上上品	四地已上	生彼即得無生忍故
		上中品	初二三地	生彼過一小劫得無生故
		上下品	種性解行(住行向)	此人過三小劫得百法明門到初地
中輩	小乘 從凡至聖 持戒無犯	中上品	前三果人	生彼即得阿羅漢故。
		中中品	內外二凡。精持淨戒。求出離者	生彼七日聞法。得須陀洹。過半劫已。得羅漢故。
		中下品	見道已前。世俗凡夫修餘世福。求出離者	生彼過一小劫得羅漢故。
下輩	大乘 外凡有罪	下上品	於彼大乘始學人中，隨過輕重分為三品。未有道位，難辨階降。	
		下中品		
		下下品		

p. 40 line 8【行卷】《教行信證》，六卷，日僧親鸞撰，全稱《顯淨土真實教行證文類》，略稱《教行證文類》、《本典》、《御本書》或《廣文類》等。收於《大正藏》第八十三冊。為真宗立教開宗的根本典籍。內容引用六十四部佛典之所載，計收三百餘篇文章。用以說明念佛往生，並闡明淨土真宗的教義。全書分教、行、信、證、真佛土、化身上等六卷。其中，〈教卷〉闡明《大無量壽經》為阿彌陀佛的本願。〈行卷〉說明「南無阿彌陀佛」六字名號。〈信卷〉敘述相信阿彌陀佛的信心是往生淨土的正因。〈證卷〉說明由行、信所得的往生即成佛之證果。〈真佛土卷〉詮示真的淨土是酬報佛之光明無量、壽命無量兩願所顯現的國土。〈化身上卷〉則依《觀無量壽經》及《阿彌陀經》以說明化身、化土。～《中華佛教百科全書》《教行信證》卷2：

「凡就誓願，有真實行、信，亦有方便行、信。其「真實行願」者：諸佛稱名願；其「真實信願」者：至心信樂願。斯乃選擇本願之行信也。其「機」者：則一切善惡大小凡愚也；「往生」者：則難思議往生也；「佛土」者：則報佛報土也。斯乃誓願不可思議一實真如海，《大無量壽經》之宗致，他力真宗之正意也。」(T83, p. 599, c21-28)

p. 40 line -4【元曉云】《遊心安樂道》卷 1：「四十八大願，初先為一切凡夫，後兼為三乘聖人，故知淨土宗意，本為凡夫，兼為聖人也。」(T47, p. 119, b19-21)

p. 41 line 4【起信因緣分】造論八種因緣之 5~8。《大乘起信論》卷 1：「問曰：「有何因緣而造此論？」答曰：「是因緣有八種。云何為八？一者、因緣總相，所謂為令眾生離一切苦，得究竟樂，非求世間名利恭敬故。二者、為欲解釋如來根本之義，令諸眾生正解不謬故。三者、為令善根成熟眾生於摩訶衍法堪任不退信故。四者、為令善根微少眾生修習信心故。五者、為示方便消惡業障善護其心，遠離癡慢出邪網故。六者、為示修習止觀，對治凡夫二乘心過故。七者、為示專念方便，生於佛前必定不退信心故。八者、為示利益勸修行故。有如是等因緣，所以造論。」(T32, p. 575, b23-c6)《大乘起信論義記》卷 1：「自下四種機。當信位初心。何故前三人各以一門攝。此中偏有四者？以前三根勝。進易退難。不假多方便助成道力故耳也。此中根劣。退易進難。賴多方便故有四也。四中前三，為下中上三人。後一策以勤修。…令業重惑多、善根難發眾生，以禮懺等方便，消惡業障。此當下品…雙明止觀遣凡小二執故。此當中品…眾生恐後報遷，遇緣成退，故令往生，使不退也。此當上品。」(T44, p. 249, b17-c8)

p. 42 line -7【要解】《淨土十要·彌陀要解》：「祇此信願莊嚴一聲阿彌陀佛。轉劫濁為清淨海會。轉見濁為無量光。轉煩惱濁為常寂光。轉眾生濁為蓮花化生。轉命濁為無量壽。故一聲阿彌陀佛即釋迦本師於五濁惡世所得之阿耨多羅三藐三菩提法。(淨宗千古之蘊，一旦發靈，希有哉)今以此果覺全體。授與濁惡眾生。乃諸佛所行境界。唯佛與佛能究盡。非九界自力所能信解也。」(X61, p. 658, a15-b1)《阿彌陀經要解便蒙鈔》卷 3：「此明一句阿彌陀佛。圓轉五濁。圓成五清也。祇此信願莊嚴一聲阿彌陀佛者。即信願定慧力。莊嚴光壽法身也。言一聲者。取耳根圓通。易明豎窮橫徧之義。若隨智論。六根六塵。皆豎窮橫徧。今隨情論。唯耳根易入。」「承上文一句阿

彌陀佛妙行。能圓轉圓證。是故即釋迦所行之因。所證之果覺全體也。三明釋迦所得竟。△四明釋迦所說。此四科。皆釋經文能為甚難希有之事。上文釋釋迦於五濁中能得菩提。此科明又能為濁惡眾生。說此難信之法。故曰授與也。此一念心性。唯佛證窮。故唯佛能究盡。非九界自力所能信解也。」(X22, p. 880, c19-p. 881, b1)

p. 42 line -2【如來不思議境界經】《大方廣如來不思議境界經》卷1：「一切非有，亦復非無，是故諸佛及一切法，真實平等，皆同一相，如陽焰等。一切眾生諸佛及土，皆唯自心識想所現。識想為緣，所生諸色，畢竟非有。如來已離一切識想，是故不應以色像見。知所見像，隨想生故，乃至虛空毛端量處，一切真佛，皆亦如是，猶如虛空，平等無異。…自心作佛，離心無佛，乃至三世一切諸佛，亦復如是，皆無所有，唯依自心。菩薩若能了知諸佛及一切法，皆唯心量，得隨順忍，或入初地，捨身速生妙喜世界，或生極樂淨佛土中，常見如來，親承供養。」(T10, p. 911, c13-24)

p. 43 line -2【專接上根】悟開《念佛百問》卷1：「利根當參禪。鈍根當念佛是否？參禪與念佛。各從其志可也。若以利鈍配定。是何言歟？志氣堅勇。鈍亦能悟。體究念佛。非利不成。若說祖師門下。專接上根。愚夫愚婦。皆會念佛。此一往之詞耳。」(X62, p. 357, b23-c3)《阿彌陀經疏鈔》卷1：「此念佛法門。三輩九品。悉皆度脫。徹上。則三心圓發。直入無生。徹下。則十念成功。亦生彼國。所謂不離一法。巧被諸根。豪傑無下抑之羞。庸愚有仰攀之益。」(X22, p. 611, a20-23)《廬山蓮宗寶鑑》卷3：「問曰：教中所明念阿彌陀佛。願生淨土。此專為鈍根方便權說。上根頓悟一超直入佛地。豈假他佛淨土耶？師云：吾宗先達呵此說云：佛在世文殊、普賢。佛滅後馬鳴、龍樹。此土智者大師、智覺禪師。皆願往生淨土，應是鈍根乎？若以此為權教，將何為實耶？！」(T47, p. 318, c10-16)